

Nur vier Wööd

Musik & Text Björn Heuser / Verlag: HEUSERMUSIK, GMO Publishing

Intro

Em - C - G - D

Als Panz, do wor ich jlöcklich, doch han et nit jewuss,
han mich opjerääch, wenn et heeß, „Bei Rään küss du noh Hus!“
Hück stonn ich selvs em Rään, un denke zoröck -
ahn ming Kinderzick.

Wat häs du et joot jemeint, wat han ich dich ignoriert,
du wullts nur mi Bess' un ich han dich malträtiert,
met Spröch verletz, durch et Levve jehetz,
dat bereu ich jetz.

Un hätt ich nur einmol die Chance,
dich noch ens ze sinn,
wat dät ich sage, frog ich mich.
Ich jläuv et wöre nur vier Wööd -
mieh krich ich nit hin:
Danke un ich liebe dich.

Nä, ich jevv mer kein Schuld, och du däts dat nit,
denn am Eng do bliev nur, et zo nemme, wie et kütt.
Doch ich nöhm dir su jään jede Zweifel dä do hatts,
för immer aff.

Un hätt ich nur einmol die Chance, ...

Bridge

Un manchmol des Naaks, do besöökste mich,
klopps ahn die Dür vun minger Dräum,
du lurs mich ahn met dinger Auge, die genau su ussinn, wie ming.
Dann säs do nix, schöddels nit der Kopp, nä du lächels un nimms hösch ming Hand,
et es kaum zo bejriefe, wie mer ne Minsch vermisse kann.